

女科證治準繩

五之二



女科
別

n 44

×

Kitasato Memorial Medical Library

F 14
シ-131



490.9
Jo-3
15
No. 3180
IR 11 44

脇脹痛 腰痛 頭痛 脚氣

遍身疼痛 瘕瘕 拘挛

不語 狂言譫語 顛狂 乍見鬼神

驚悸 恍惚 虛煩



脇脹痛

大產後兩脇脹滿氣痛由膀胱宿有停水因產後惡露下不盡水壅痞與氣相搏積在膀胱故令脇肋脹滿氣與水相激故令痛也薛前證若肝經血瘀用玄胡索散若肝經氣滯用四君青皮柴胡若肝經血虛用四物參朮柴胡氣血俱虛用八珍柴胡若腎水不足不能生肝用六味丸若肺金勢盛尅制肝木用瀉白散仍參前各論主之
一產婦因怒兩脇脹痛吐血甚多發熱惡寒胸腹脹痛余以為氣血俱虛用八珍加柴胡丹皮炮薑而血頓止又用十全大補湯

產後脇脹痛

而寒熱漸退此證苟非用薑桂辛溫助脾肺以行藥勢不惟無以施其功而反助其脹耳

當歸壹拾貳分

芍藥

苦梗

檳榔

枳殼各捌分

桂心

青木香

柴胡各陸分

右咬咀以水貳升煎取捌合去滓空心分溫貳服療產後惡露不下血氣壅痞脇脹痛不下食

蘇木

紫葛各拾貳分

芍藥

當歸各捌分

桂心

蒲黃各陸分

生地黄汁叁合

右咬咀以水貳升煎取柒合下蒲黃分兩服

當歸散 治產後腹痛脇助脹滿

當歸

乾薑等分

右為末每服叁錢水壹盞煎捌分入鹽醋少許食前熱服用酒煎

經効理血氣煩悶脇助脹滿及痛

芍藥捌分

蒲黃

延胡索各肆分

當歸陸分

荷葉蒂炙叁枚

右水貳升煎取柒合後入蒲黃空心分作兩服

廣濟療產後腹痛氣脹脇下悶不下食兼微利

茯苓

人參

當歸

甘草 各陸分

生薑

陳皮 各肆分

厚朴 捌分

右咬咀以水貳升煎取捌合去滓分溫服

抵聖湯 治產後腹脇悶滿或嘔吐者

赤芍藥

半夏

澤蘭葉

陳皮

人參

甘草 等分

右咬咀每肆錢薑伍片煎溫服

腰痛

大腎主腰脚產後腰痛者為女人腎位繫於胞產則勞傷腎氣損動胞絡虛未平復而風冷客之冷氣乘腰故令腰痛也若寒冷邪氣連滯背脊則痛久未已後忽有娠必致損動蓋胞絡屬腎腎主腰故也薛前證真氣虛邪乘之者用當歸黃芪湯或十全大補為主佐以寄生湯如不應十全大補加附子一產婦腰痛腹脹善噫諸藥皆嘔余以為脾虛血弱用白朮一味炒黃每劑一兩米泔煎時飲匙許四劑後漸安百餘劑而愈

療產後風冷腰痛不可轉側四肢沉重行步艱難

獨活

川芎

芍藥

桂心

續斷

生薑

桑寄生

當歸

防風

右咬咀以水參升煮取壹升去滓空心分二服

千金大豆酒 療產後中風腰背強痛中風煩熱苦

渴頭身皆重此因風冷及傷寒所致

用大豆伍升炒以酒壹升投之密蓋令温去豆服

壹升日夜數服卧取微汗避風亦有加羌活

生料五積散加桃仁煎亦妙

汚

保命治血癖腹乃刺刺腰痛用四物湯細末參兩加

酒煮玄胡索末貳兩每服參錢酒下

廣濟療產後虛冷血氣流入腰腿痛不可轉

敗醬

當歸

川芎

桂心

芍藥

右咬咀水貳升煮取捌合分温二服忌葱

救急療婦人產後餘血不盡血流入腰脚疼痛胸滿

氣急兩脇痛方

生薑

淡竹葉

右二味以水貳升煮取壹升去滓分温貳服

產後腰痛

婦科五

五十二

生地黄湯濟廣 療產後二百患腰疼腹中餘血未盡
并手脚疼不下食

生地黄汁壹升 芍藥
甘草各貳兩
丹參肆兩 蜜壹合 生薑汁半合

右以水參升煮取壹升去滓內地黃汁蜜薑汁微
火煎一兩沸一服參合日二夜三利一兩行中間
進食與藥更進服

如神湯方見腰痛
產後惡露方行忽然漸少斷絕不來腰中重痛下注
兩股痛如錐刀刺痛入骨中此由血滯於經絡不即

通之有大痛處必作癰疽宜桃仁湯恐作癰者預服
五香連翹湯

桃仁湯方 桃仁去皮 蘇木 生地黄各半兩

五香連翹湯方 一方有大黃壹兩
右為粗末每服參錢水壹盞煎至陸分去滓溫服
無時惡露下即住服

木香 沉香 丁香
乳香 麝香 升麻

產後腰痛 女科五

獨活 桑寄生 連翹

木通 各貳兩 共

每服伍錢水貳盞煎壹盞去滓入竹瀝少許溫服
紫金丸治產後惡露不快腰痛小腹如刺寒熱腹痛
久有瘀血月水不調亦可治心痛左見前

虛當歸黃耆湯 治產後腰痛不可轉側自汗壯熱身

體強氣短

黃耆 芍藥 各貳兩 當歸 叁兩

右剉每服肆錢薑肆片水煎溫服

頭痛

大夫人頭者諸陽之會也凡產後五臟皆虛胃氣虧
弱飲食不充穀氣尚乏則令虛熱陽氣不守上湊于
頭陽實陰虛則令頭痛也 又有產後敗血頭痛不
可不知黑龍丹言之甚詳 薛前證若中氣虛用補
中益氣湯加蔓荊子若血虛用四物加參朮血氣俱
虛用八珍湯若因風寒所傷用補中益氣湯加川芎
一產婦患頭痛日用補中益氣湯不缺已三年矣
稍勞則惡寒內熱為陽氣虛以前湯加附子壹錢數
劑不發 一婦人產後頭痛面青二年矣日服四物

等藥余謂腎水不能生肝木而血虛用六味丸加五味子兩月而痊

行氣 川芎散 治產後頭痛

真天台烏藥皮 大川芎 等分

右為細末每服參錢燒紅秤錘淬酒調服

益 一奇散 治同前

取當歸川芎為細末每服貳錢水壹盞煎柒分溫服

芎附散 治產後敗血作梗頭痛諸藥不効者

大附子壹枚醃醋壹椀用火四畔炙透蘸醋令盡

去皮臍加川芎壹兩並為末每服壹錢又作茶清

調下

郭茂恂嫂金華君產七日不食始言頭痛頭痛已又心痛作既而目睛痛如割如刺更作更止相去無瞬息間每頭痛甚欲取大石壓良久漸定心痛作則以十指抓壁血流滿掌痛定日復痛又以兩手自刺取之如是十日不已眾醫無計進黑龍丹半粒疾少間中夜再服下瞑目寢如平時至清晨下一行約三升許如蝗蚩子三疾減半已刻又行如前則頓愈矣黑龍

丹見前產後通用方

丹一婦年三十餘產後身熱頭痛肚痛

陳皮

白朮

白芍藥各貳錢

黃芩貳錢半

川芎壹錢

乾薑

牡丹皮

甘艸各壹錢半

荆芥半錢

右分四貼水煎服

加減四物湯保命

治產後頭痛血虛痰癖寒厥皆令

頭痛

蒼朮壹兩陸錢

羌活

川芎

防風

香附炒

白芷各壹兩

石膏貳兩半

細辛壹兩半

甘草各半兩

右麤末每用壹兩水煎不拘時服

如有汗者知

氣弱頭痛也方中加芍藥參兩桂壹兩半生薑煎

如痰癖頭痛加半夏參兩茯苓壹兩生薑煎

如熱痰頭痛加白芷參兩石膏參兩知母壹兩

如寒厥頭痛加天麻參兩附子壹兩半生薑參片

煎服

煎服... 咳... 喘... 痰... 嗽... 吐... 衄... 血... 虛... 弱... 氣... 逆... 嘔... 吐... 氣... 上... 皆... 其... 候... 也... 可... 服... 小... 續... 命... 湯... 以... 逐... 敗... 血... 藥... 攻... 之... 則... 血... 去... 而... 疾... 益... 增... 矣... 陳... 無... 擇... 評... 曰... 脚... 氣... 固... 是... 常... 病... 未... 聞... 產... 後... 能... 轉... 為... 者... 往... 往... 讀... 千... 金... 見... 產... 婦... 多... 有... 此... 疾... 之... 語... 便... 出... 是... 證... 文... 辭... 筆... 意... 蓋... 可... 見... 矣... 設... 是... 熱... 悶... 氣... 上... 如... 何... 使... 服... 續... 命... 湯... 此... 藥... 本... 主... 少... 陽... 經... 中... 風... 非... 均... 治... 諸... 經... 脚... 氣... 要... 須... 依... 脚... 氣... 方... 論... 陰... 陽... 經...

脚氣

大全產後熱悶氣上轉為脚氣者何荅曰產卧血虛生熱復因春夏取涼過多地之蒸濕因足履之所以着為脚氣其狀熱悶掣癢驚悸心煩嘔吐氣上皆其候也可服小續命湯方見雜病中風兩劑必愈若醫者誤以逐敗血藥攻之則血去而疾益增矣陳無擇評曰脚氣固是常病未聞產後能轉為者往往讀千金見產婦多有此疾之語便出是證文辭筆意蓋可見矣設是熱悶氣上如何使服續命湯此藥本主少陽經中風非均治諸經脚氣要須依脚氣方論陰陽經

產後脚氣

女科五

絡調之此涉專門未易輕論既非產後要病更不繁引陳無擇雖有此論然小續命湯加減與之用無不效故百問云寒中三陽所患必熱小續命湯主之加生薑暑中三陰所患必熱小續命湯去附子減大煩躁者紫雪最良庶使後人均得治瘥如無紫雪用真薄荷煎冷水嚙下物湯各半服之薛前證當補氣血為主佐以小續命湯寄生湯如不應加大防風湯一產婦患前證或用獨活寄生湯而痊後復作服前湯其汗如水更加口噤吐痰余用十全大補湯培養血氣漸愈後飲食日少肌體日瘦吐痰如湧

此命門火衰脾土虛寒用八味丸及加味歸脾湯諸證漸退肌肉漸生

獨活寄生湯 治肝腎虛弱或久履濕冷之地或洗足當風濕毒內攻兩脛緩縱攣痛痺弱或皮肉紫破足膝攣重又專治產後脚氣

- 川獨活兩
- 桑寄生如無以杜仲代
- 牛膝去蘆酒浸
- 細辛
- 官桂不見
- 白茯苓
- 防風
- 川芎
- 當歸
- 人參
- 熟地黄酒洗
- 芍藥
- 秦丸各貳兩
- 甘草炙壹兩

昏憤六脉洪大如無用補中益氣加炮薑半夏一劑頓退一二三又劑寢食甘美但背強而痛用八珍散大補湯調理而安。一產婦遍身頭項作痛惡寒拘急脉浮緊此風寒之證也用五積散一劑汗出而愈但倦怠發熱此邪氣去而真氣虛也用八珍湯調補而痊。一婦六月產後多汗人倦不敢袒被故汗出被裡冷則浸漬得風濕疼痛遂以羌活續斷湯數服而愈。

趁痛散岐雲 治產後氣弱血滯遍身疼痛及身熱頭

牛膝

當歸

桂心

白朮

黃芪

獨活

生薑

甘草

薤白

各半兩

各煎錢半

右咬咀每服半兩水參盞煎至壹盞半去渣食前服。陳無擇評曰趁痛散不特治產後氣弱血滯兼能治太陽經感風頭疼腰背痛自汗發熱若其感寒傷食憂恐驚怒皆致身疼發熱頭痛况有羸勞諸證尤甚趁痛散皆不能療不若五積散入醋煎用却不妨。

五積散加酒煎治感寒頭痛身疼方見傷寒門恐與

四物各半服之穩當加桃仁煎治腰痛逐敗血去風濕

大治產後遍身青腫疼痛及眾疾

牛膝

大麥蘗各等分

右為細末以新瓦罐子中填一重麥蘗一重牛膝如此填滿用鹽泥固濟火煨過赤放冷研為散但

是產後諸疾熱酒調貳錢下

活血丹

蒼朮四物各半湯並見雜病身痛

烏金散治產後骨節四肢疼痛

見後在言諸語

中風

大夫產後中風者由產時傷動血氣勞損藏府未曾平復起早勞動致使氣虛而風邪乘虛入之故中風風邪冷氣客於皮膚經絡但疼痺羸乏不任少氣大凡筋脉挾寒則攣急喎僻挾溫則縱緩虛弱若入諸藏恍惚驚悸隨其所傷府藏經絡而生病焉 郭稽中論曰產後中風者何荅曰產後五七日內強力下床或一月之內傷於房室或懷憂怒擾盪冲和或因食生硬傷動藏府得病之初眼澁口噤肌肉瞶搐漸至腰脊筋急強直者不可治此乃人作非偶爾中風

所得也 薛前證果外邪所屬形氣不足病氣有餘
當補元氣為主稍佐以治病之藥若強力不休月內
入房屬形氣俱不足當純補元氣多有復甦者若誤
投風藥乃促其危也

丹產後中風口眼喎斜必用大補氣血然後治痰當
以左右手脉分其氣血多少以治切不可作中風治
用小續命湯及發表治風之藥
防風湯 治產後中風背項強急胸滿短氣

防風 獨活各去 葛根各伍兩
當歸 人參各去 白芍藥

甘草炙各貳兩

右為咬咀每服捌錢水壹盞半棗子貳枚擘破同
煎至壹盞去滓温服不拘時

川芎散 治產後中風身背拘急有如繩束

川芎 羌活去蘆 酸棗仁
羚羊角屑 芍藥各肆兩 桑白皮壹兩

防風去蘆壹兩貳錢

為咬咀每服壹兩水貳大盞煎至壹盞半去滓不
拘時服日進三服

經効茯苓湯 治產後風虛頭痛語言蹇澁

產後 女科 五 六

茯苓 去皮 防風 去蘆 乾葛 各捌錢

麥門冬 去心 壹兩 芍藥 黃芩 各陸錢

犀角屑 肆錢 甘草 炙貳兩

右咬咀每服壹兩水壹大盞半煎至壹盞去滓温

服不拘時

鹿肉湯 治產後中風頭痛壯熱言語蹇澀

鹿肉 叁斤 阿膠 炒脹 黃芩

茯苓 去木 黃芪 蜜炙 甘草 炙

白芍藥 人參 獨活 各去蘆

桂心 乾地黄 川芎 各貳兩

半夏 湯洗壹兩

右為咬咀每服伍錢水肆盞鹿肉伍錢薑伍片同煎至貳盞去鹿肉再煎至壹半入阿膠消化去粗温服不拘時日進貳服

雲岐治產後中風半身手足不遂言語蹇澀恍惚多忘精神不定

獨活 當歸 芍藥

防風 川芎 玄參

天麻 各伍錢 桂心 叁錢

右咬咀以水捌升煮取貳升半分為叁服覺效更

產後 女科五 六十五

作一劑又作丸每服貳拾丸如有熱加葛根五錢
有冷加白朮五錢 若有氣證加生薑壹兩半若
手足不遂加牛膝壹錢半草薢叁錢黃芪肆錢
若腹痛加當歸芍藥各柒錢半 若不食加人參
伍錢玄參壹兩 若寒中三陰所患必冷小續命
湯加生薑煎 若暑中三陽所患必熱小續命湯
去附子減桂心一半加薄荷煎
保命血氣湯 治產後諸風痠攣無力

秦艽 羌活 防風
白芷 川芎 芍藥

當歸 白朮 茯苓

熟地黄 各等分

右為末一半蜜丸一半散酒調下伍柒拾丸炒

治產後風虛五緩六急手足頑痺氣血不調大豆壹
升炒令熟熱投參升酒中密封飲之

小品治產後中風語澁四肢拘急羌活參兩為末每
服伍錢木酒各半盞煎去滓溫服

華陀愈風散 治婦人產後中風口禁手足癱瘓如

角弓或產後血暈不省人事四肢強直或心眼倒
築吐瀉欲死 用荆芥穗微焙每服叁錢豆淋酒

治中風 六十五

調服或童子小便服之口噤則挑齒灌之斷噤則灌入鼻中其效如神大抵產後大眩則汗出而膝理踈則易於中風也時珍曰此方諸書盛稱其妙姚僧坦集驗方以酒服名如聖散云藥下可立待應効陳氏方名舉卿古拜散蕭存敬方用古老錢煎湯服名一檢金王貺指迷方加當歸等分水煎服許叔微本事方云此藥委有奇効神聖之功一婦人產後睡久及醒則昏昏如醉不省人事醫用此藥及交加散云服後當睡必以左手搔頭用之果然皆殷產寶方云此病多因怒氣傷肝或憂

氣內鬱或坐草受風而成急宜服此藥也戴氏證治要訣名獨行散賈似道悅生隨按呼為再生丹右產後中風用續命湯及羌活等發散之藥必詳氣血以四物四君子相與各半停對分兩服之可也

虛極生風大產後下血過多虛極生風者何荅曰婦人以榮血為主因產血下太多氣無所主唇青肉冷汗出目眩神昏命在須臾者此但虛極生風也如此則急服濟危上丹若以風藥治之則誤矣醒前證若心脾血氣俱虛用十全大補湯如不應加附子鈞

藤鈞若肝經血虛用逍遙散加鈞藤鈞經云脾之榮
在唇心之液為汗若心脾二藏虛極急用參附湯救
之一婦人患前證或用諸補劑四肢逆冷自汗泄
瀉腸鳴腹痛余以陽氣虛寒用六君子薑附各加至
五錢不應以參附各壹兩始應良久不服仍腸鳴腹
痛復灸關元穴百餘壯及服十全大補湯方効
濟危上丹

乳香

五靈脂

硫黃

玄精石同研極細

阿膠炒脹

卷柏生用

桑寄生

陳皮去白各等分

右將上四味同研停於銀石器內微少炒勿焦了
再研極細復入餘藥為末拌勻生地黄汁和丸如
梧子大每服貳拾丸温酒或當歸酒送下食前

當歸建中湯

見產後腹痛

口噤 天夫產後中風口噤者是血氣虛而風入於頷
頰夾口之筋也手三陽之筋結入於頷產則勞損腑
臟傷於筋脉風若乘之其三陽之筋脉則偏持之筋
得風冷則急故令口噤也

葛根湯 治產後中風口噤伏地頭目眩暈痰盛氣
急及治產後諸疾

卷之五 女科 五

葛根 生薑各陸兩 獨活肆兩

當歸參兩各去蘆 甘草炙 桂心

白茯苓去皮 石膏 人參去蘆

白朮 防風各去蘆 川芎各貳兩

右為咬咀每服伍錢水貳盞煎至壹盞半去滓溫

服無時日進二服

乾葛湯深 療產後中風口噤不能言

獨活去蘆貳兩 乾葛壹兩 甘草半兩

生薑壹兩貳錢半

右為咬咀每服壹兩水貳大盞煎至壹大盞去滓

溫服無時

天麻散 治產後中風口噤

天麻米錢半 白附子炮 天南星炮

半夏湯洗米遍去滑薑製 乾蠍炒各半兩

右為細末每服壹錢生薑薄荷酒調下幹開口灌

之不拘時

當歸散 治婦人產後中風牙關緊急不省人事口

吐涎沫手足痲痺

當歸去蘆 荆芥穗各等分

右為細末每服貳錢水壹盞酒半盞煎至壹盞灌

產後中風 女科 五

之如牙關緊急，斡開微微灌之，但下咽即生，屢用救入，大有神効。

伏龍肝散 治產後中風口噤不能語言，腰背疼痛。

伏龍肝壹兩 乾薑半兩

為細末，每服貳錢，溫酒調下，不拘時日，進二服。

交加散 治產前後百病，兼治婦人榮衛不通，經脈

不調，腹中撮痛，氣多血少，結聚為瘕，產後中風並

宜服之。

生地黄壹升研取自然汁

生薑拾貳兩研取自然汁

右先將地黃汁炒生薑滓，生薑汁炒地黃滓，各稍

乾焙為細末，每服叁錢，溫酒調下，尋常腹痛亦宜服，產後尤不可離。

角弓反張 天大產後角弓反張者，是體虛受風，風入

諸陽之經也。人陰陽經絡周環於身，風邪乘虛入於

諸陽之經，則腰背反折，攣急如角弓之狀也。薛前

證因氣血耗損，腠理不密，汗出過多而患之者，乃虛

象也。宜固氣血為主，佐以本方。丹溪云：產後當大補

氣血為先，雖有他證，以末治之。如惡寒發熱等證，乃

氣血虛甚之極也。宜大劑參芪歸朮肉桂以培養之。

如不應，急用炮附子，再不應用人參壹兩，炮附子貳

參錢名參附湯借猶未應乃藥力未能及也宜多用

愈風散

當歸湯

羌活酒並見前

羚羊角散 治產後中風身體反張

羚羊角屑

當歸各半

獨活

防風各去

麻黃去節各

人參去蘆

赤芍藥

細辛去苗

桂心各半

右為咬咀每服捌錢水壹大盞半生薑伍片煎壹大盞去滓溫服不拘時

小品療產後中風虛人不可服他藥者一物獨活湯

主之及一物白鮮湯主之亦可與獨活合煮之

川獨活參兩細切

右水參升煮取壹升分服奈酒者亦可酒水煮

一物白鮮湯 用白鮮皮亦依獨活法

產後中風痙口噤面青手足急強者

以竹瀝貳升分為五服溫溫頻服大效

治產後中風角弓反張口噤不語方

川烏伍兩剉

右取黑豆半升同炒半黑以酒參升傾於鐺內急攪以絹濾取酒微溫服壹小盞取汗若口不開者

產後中風

大斗五

此

輪開口灌之未効加烏雞糞壹合炒熟入酒中服之

之以瘥為度

千金雞矢醴 療產後中風及男子諸風并產後百疾神効方又治產後中風口噤拘困篤腰背強直時時反折

烏雞屎

參升

大豆

貳升

右先炒豆令聲絕次炒雞屎令黃以酒壹升先淋雞屎取汁淋大豆每服壹升重者凡四五服極妙張文仲療產後中風風痙偏身冷直口噤不識人方白朮肆兩以酒參升煮取壹升頓服効

產後而變痙

天產後血虛腠理不密故多汗因遇

風邪搏之則變痙痙者口噤不開背強而直如發痙狀搖頭馬鳴身反折須臾拾發氣息如絕宜速幹口灌小續命湯稍緩即汗止如兩手摸控者不可治也薛產後發痙因去血過多元氣虧極或外邪相搏以致牙關緊急四肢痙強或腰背反張肢體抽搐若有汗而不惡寒者曰柔痙若無汗而惡寒曰剛痙然產後患之實由亡血過多筋無所養而致故傷寒汗下過多潰瘍膿血大泄多患之乃敗證也若大補血氣多保無虞若攻風邪死無疑矣 一產婦牙關緊

急腰背反張四肢抽搐兩目連割余以爲去血過多
元氣虧損陰火熾盛用十全大補加炮薑一劑而甦
又數劑而安余在吳江史萬湖第入更時聞喧囊
云某家人婦忽仆牙關緊急已死矣詢云是新產婦
出直厨余意其勞傷血氣而發瘧也急用十全大補
加附子煎滾令人推止其身一人以手夾止其面却
空開其口將藥灌之不甦藥已冷令側其面出之仍
正其面復灌以熱藥又冷又灌如此五次方甦下隨
灌以熱藥遂甦夷堅志云杜壬治郝質子婦產四
日瘳瘳戴眼弓背反張壬以爲瘳病與大豆紫湯得

活湯而愈政和間余妻方分娩猶在蓐中忽作此證
頭足反接相去幾二尺家人驚駭以數婢強拗之不
直適記所云而藥草有獨活乃急爲之召醫未至連
進三劑遂能直醫室即愈矣更不須用大豆紫湯古
人處方神驗屢矣

小續命湯 治產後中風及剛瘳柔瘳

陳臨川云雖然陳無擇評曰產後汗出多變瘳亦
令服續命湯此又難信既汗多如何更服麻黃官
桂防已黃芩輩不若大豆紫湯爲佳局方大聖散
亦良藥也愚觀宋奉議云凡剛柔二瘳小續命湯

並可加減與之若柔瘳自汗者去麻黃加葛根之說宋奉議必有所據雖大豆紫湯大聖散良亦不可偏見曲說有妨古人之意

大豆紫湯 治中風頭眩惡風自汗吐冷水及產後

百病或中風非瘳背強口噤直視煩熱脉緊大者

不治 小品左主產後中風困篤背強口噤或但

煩躁或頭身皆重或身重痒發嘔吐直視並宜服

之

川獨活 去蘆壹兩半 大豆 半升 酒 叁升

右先用酒浸獨活煎一兩沸別炒大豆極焦烟出

急投酒中密封候冷去葶每服壹貳合許得少汗則愈日進十服此藥能去風消血結如妊娠折傷胎死腹中服此得瘳

陳臨川云凡產後口噤腰背強直角弓反張皆名

曰瘳又名曰瘳古人察有汗無汗以分剛柔陰陽

而治今產寶諸書有中風口噤一門又有角弓反

張一門其實一也如增寒發熱有類傷寒皆不論

及豈可只以一二藥治之

大豆湯 治產後中風發則仆地不省人事及妊娠

挾風兼治葶草之間諸般病證

女科五

大豆伍升 獨活去蘆 葛根各捌兩

防已去皮陸兩

右咬咀每服伍錢酒貳盞煎至壹盞半去粗溫服不拘時日三服

麝羊角飲子 治產後氣實腹中堅硬兩脇脹滿心中煩熱渴欲飲米欲成剛產中風之疾

麝羊角半兩鎊 防風 羌活 桂心

桔梗並去蘆 敗醬各捌錢

柴胡去蘆 大黃浸過煨各壹兩貳錢

為咬咀每服五錢水壹大盞半同煎至壹盞去粗

溫服不拘時候更服地黃酒用地黃切壹升炒令黑甕瓶中下熱酒叁升密封口煮令減半任意服之

防風當歸散

防風 當歸 川芎

地黃各壹兩

右剉每服壹兩水叁盞煎至貳盞溫服

婁氏云續命湯大豆紫湯舉鄉古拜散太陽厥陰藥也邪實脉浮弦有力者固宜但產後血氣太虛之人不宜輕發其表但用防風當歸散治之為妙

產後中風 女科五 七五

全大補加桂附亦有復生者此等證候若肢體惡寒
脉微細者此為真狀若脉浮大發熱煩渴此為假象
惟當固本為善若無力抽搐戴眼反折汗出如珠流
者皆不治 一產婦因勞兩臂不能屈服蘇合香丸
肢體痿軟汗出如水余謂前藥辛香耗散真氣腠理
虛而津液妄泄也先用十全大補湯加五味子補真
滕理收斂真氣汗頓止又佐以四君子調補元氣漸
愈用逍遙散大補湯調理而痊 一產婦先胸脇乳
內脹痛後因怒口噤吐痰臂不能伸小便自遺左三
部脉弦余謂此肝經血虛而風火所致不能養筋先

用加味道逍遙散治之臂能屈伸又以補肝散六味左
諸證悉愈 一婦人發瘵遺尿自汗面赤或時面青
飲食如故肝脉弦緊余曰此肝經血燥風熱名瘵也
肝主小便其色青入心則赤法當滋陰血清肝火遂
用加味道逍遙散不數劑諸證悉退而安 一婦人產
後血風患此以小續命湯數服而安
產後因虛傷風瘵同傷寒表證未傳入裏宜服防
風湯

防風湯 治風虛發熱項背拘急肢節不隨恍惚狂
言來去無時不自覺悟亦治脚氣緩弱甚効此藥

温和不虛入

秦艽 去苗土

獨活 去蘆

麻黃 去節

半夏 湯洗米

防風 去蘆各

升麻

防己

白朮

石膏 煨

芍藥 白者

黃芩

甘草

當歸 去蘆

遠志 去骨

人參 去蘆各

右為籠末入半夏片令勻每服肆錢水貳中盞生薑柒捌片煎至壹盞去滓取清汁陸分入麝香末少許食後臨卧帶熱服

海藏愈風湯 即華佗愈風散

交加散 即當歸散並見產後中風

增損柴胡湯 治產後感異證手足牽搐涎潮昏悶

柴胡 參錢

黃芩 壹錢

人參

甘草 炙

半夏 各壹錢半

知母 壹錢

石膏 貳錢

黃芪 貳錢半

右吹咀分二服水貳盞薑叁片棗貳枚煎捌分不拘時服

秦艽湯 前證已去次服此藥去其風邪

秦艽

芍藥

柴胡 各壹錢

甘艸 炙壹錢

黃芩

防風 各壹錢

人參

半夏 各壹錢

產後 卷之三

右為吹咀分二貼每貼水貳盞薑參片煎捌分食

遠服

秦艽

芍藥

黃芩

黃連

黃蘗

黃柏

黃芩

黃連

黃蘗

黃柏

拘攣

大產後中風筋脉四肢攣急者是氣血不足臟腑俱
虛月內未滿起早勞役動傷臟腑虛損未復為風所
乘風邪冷氣初客於皮膚經絡則令人頑痺不仁羸
之少氣風氣入於筋脉挾寒則攣急也薛肝屬木
而主筋前證若肝經風熱血燥用加味道遙散如不
應當用六味地黄丸以補腎水經云風客淫氣精乃
亡邪傷肝也仍參前雜證諸風血方論治之
婦筋攣臂軟肌肉掣動此氣血俱虛而自熱也用十
全大補湯而安一產婦手麻服愈風丹遍身皆麻

產後拘攣

卷之三

七

神思倦怠余謂氣血虛弱用十全大補加炮薑數劑
漸愈去薑又數劑及逍遙散而痊
芎藭散治產後中風四肢筋脉攣急痰痛背項強
急

芎藭 羌活 當歸 各去蘆

酸棗仁 炒 羚羊角屑 各半 防風 去蘆

牛蒡子 各壹兩 炒 桂心 赤芍藥 各半

右為咬咀每服捌錢水壹大盞半煎至壹大盞去
粗濕服不拘時
薛前方如未應當用八珍湯更不應用十全大補

湯

防已膏 治產後中風四肢筋脉攣急身體麻痺並

宜用之

漢防已 去皮 茵芋 伍兩

右為咬咀用酒五升浸藥壹宿取豬肪脂壹斤文
武火熬三三下成膏攤在紙花上貼病人患處
以熱手不住摩膏上

六君加升麻白芷鈞藤鈞肝脾血虛用佛手散脾氣
虛用四君子氣血俱虛八珍湯如不應獨參湯更
不應急加附子補其氣而生其血若竟用血藥則誤
矣產婦不語用七珍散而愈後復不語肉熱瞞
熱肢體倦怠飲食不進用加味歸脾湯為主佐以七
珍散而愈後因怒不語口噤腰背反張手足發搐或
小便見血面赤或青或黃或時兼赤余曰面青肝之
本色也黃者脾氣虛也赤者心血虛也用八珍湯加
鈞藤鈞茯苓遠志漸愈又用加味歸脾湯而痊
七珍散

人參

川芎 各壹兩

辰砂 別研各

石菖蒲

細辛 壹錢

生地黄

防風

右為極細末每服壹錢薄荷湯調下無時

胡氏孤鳳散 治產後閉目不語用生白礬末每服

壹錢熱水調下

治產後不語

人參

石蓮肉 不去心

石菖蒲 各等分

右每服伍錢水煎

逐血補心湯 治產後失音不語

產後

不語

女科五

全上

紅花

赤芍藥

生地黄

桔梗

蘇葉

前胡

茯苓

防風

牛膽南星

黃連

粉葛

當歸

薄荷

人參

升麻

半夏

甘草

升麻

右判為散分作二服每服水壹鍾半薑叁片煎至
柒分空心服滓再煎服

狂言譫語

因夫產後語言顛倒或狂言譫語如見鬼神者其源
不一須子細辨證用藥治療產後驚風言語亂道如
見鬼神精神不定者研好朱砂酒調下龍虎丹方見
三九作一服兼琥珀地黄丸服之方見一則因產後心
虛敗血停積上干於心而狂言獨語者當在乍見鬼
神條求之方見二則產後臟虛心神驚悸志意不安言
語錯亂不自覺知神思不安者當在驚悸條求之方見
三則宿有風毒因產心虛氣弱腰背痠直或歌哭噴
笑言語亂道當作風痙治療當在心驚中風條求之方見

產後 卷五

四則產後心虛中風心神恍惚言語錯亂當在中風恍惚條求之 五則產後多因敗血迷亂心經而顛狂言語錯亂無常或暈悶者當於本卷血暈類中求之 六則因產後感冒風寒惡露斬然不行增寒發熱如瘧晝日明了暮則譫語如見鬼狀當作熱入血室治之宜琥珀地黄丸及四物湯只用生乾地黄加北柴胡等分煎服如不退者以小柴胡湯加生乾地黄如黃芩分兩煎服愈雖然已上諸證太抵胎前產後自有專門一定之法毫髮不同如產後首當逐散生新然後子細詳辨疾證不可妄立名色自生新

意加減方藥大宜對證依古法施治未有不安者也 醒前證當固胃氣為主而佐以見證之藥若一於攻痰則誤矣 一產婦形體甚倦時發譫語用栝子散稍愈又用加味歸脾湯而愈又因怒仍狂言脇痛小便下血用加味逍遙散以清肝火養肝血頭瘥又佐以加味歸脾湯而安 雲岐奪命散 血暈

治產後敗血衝心發熱狂言奔走脉虛大者 乾荷葉 生乾地黄 牡丹皮 等分 右三味濃煎湯調生蒲黃末貳錢匕服即定

局方妙香散治產後心神顛倒語言錯亂如見鬼神

用生乾地黄當歸二味煎湯調服立効

烏金散 治產後三五日或半月之間忽狂言亂語

且見神鬼等證

- 當歸
- 遠志肉
- 川芎
- 酸棗仁
- 白朮
- 赤芍藥
- 香附子
- 辰砂 另研入
- 熟地黄
- 羌活
- 防風 各貳錢
- 茯神 貳錢
- 半夏 叁錢
- 全蠍
- 麥門冬
- 人參
- 牛膝
- 天麻 各壹錢

- 甘草 玖分
- 陳皮
- 白芷 各壹錢 伍分

右剉散作二服水壹鍾半薑叁片葱二枚入金銀

同煎壹碗不拘時溫服

四物補心湯 治產後言語恍惚顛倒錯亂

- 當歸 伍錢
- 川芎
- 生地黃
- 白芍藥
- 茯神
- 半夏
- 桔梗
- 白朮 各肆錢
- 陳皮 叁錢
- 甘草 壹錢

右剉為散分作六服每服用水壹鍾薑叁片煎至

柒分空心溫服滓再煎服 有熱加酒炒黃連貳

錢無熱不用

此方治產後血暈... 白朮... 刺文... 半夏... 土硫磺... 同煎... 水... 煎... 服... 宜... 忌... 宜... 忌... 宜... 忌...

顛狂

大療產後因驚敗血衝心昏悶發狂如有鬼祟宜用局方大聖澤蘭散宜自合者加好辰砂研令極細每服加壹字許煎酸棗仁湯調下一服可安薛前證乃血虛神不守舍非補養元氣不可仍參後各門互用一產婦患前證或用大澤蘭湯而愈後又怔忡妄言其痰甚多用茯苓散補其心虛頓愈又用八珍散加遠志茯神養其氣血而瘥一產婦亦患此證用化痰安神等藥病益甚神思消爍余以為心脾血氣不足用大劑參朮芎歸茯神酸棗仁四斤餘而安

乃以歸脾湯五十餘劑而愈

大聖澤蘭散 治婦人血海虛冷久無子息及產後敗血衝心中風口噤子死腹中擘開口灌藥須臾生下便得無恙治墮胎腹中攻刺疼痛橫生逆產胎衣不下血運血癖血滯血崩血入四肢應血藏有患及諸種風氣或傷寒吐逆咳嗽寒熱往來遍身生瘡頭痛惡心經脈不調赤白帶下乳生惡氣胎藏虛冷數曾墮胎崩中不定因此成疾室女經脈不通並宜服之常服暖子宮和血氣悅顏色退風冷消除萬病兼療丈夫五勞七傷虛損等病

澤蘭葉

石膏

卷栢

白茯苓

防風

厚朴

細辛

栢子仁

桔梗

吳茱萸

藁本

五味子

人參

川烏頭

乾薑

川椒

白芷

白朮

黃芪

川烏頭

丹參

蕪荑

甘草

川芎

芍藥

當歸

白薇

阿膠

肉桂

生乾地黃

右為細末每服貳錢空心臨卧熱酒調下若急疾不拘時日三服

何氏方治產後因敗血及邪氣入心如見祟物顛狂大辰砂壹錢重研令極細人乳三四茶脚許調仍掘紫項活地龍一條入藥候地龍滾三滾取出地龍不用不令帶藥出但欲得地龍身上涎耳却入無灰酒與前乳汁相和七八分盞重湯溫遇疾作分三三服

乍見鬼神

天心主身之血脉因產傷耗血脉心氣虛則敗血停積上干於心心不受觸遂致心中煩躁卧起不安乍見鬼神言語顛錯醫人不識呼為風邪如此治必不得愈但服調經散每服加龍腦壹捻得睡即安薛前證若敗血停滯用調經散若血虛發熱用八珍加炮薑若心血虛損用栝子仁散太抵此證皆心脾血少所致但調補胃氣則痰清而神自安矣若果係鬼祟所附即灸鬼穴可愈其或不起者多因豁痰降火攻伐之過也一產婦患前證或用調經散愈而

產後乍見鬼神

女科五

八十二

挾熱

復作仍服前藥益甚痰涎上湧朝寒暮熱余朝用八珍散夕用加味歸脾湯各五十餘劑而愈
雲岐治產後發熱狂言奔走脉虛大者四物湯加柴胡如不愈加甘草柴胡生地黃等分煎服亦可
廣濟治產後血暈心悶不識人神言鬼語氣急欲絕

挾寒

調經散

沒藥 琥珀並細研 桂心各壹錢
芍藥 當歸各貳錢半 麝香研
細辛各半錢

右為末每服半錢生薑汁温酒各少許調服

茯神散 治產後血邪心神恍惚言語失度睡卧不安

茯神壹兩去皮去木

人參

龍齒研

琥珀研

赤芍藥

黃芪

牛膝各柒錢半

生地黃壹兩半

桂心半兩

右為末每服叁錢水壹盞煎至柒分不拘時去滓

温服

治方產後一日言語顛倒用蘇合香丸壹錢以童便調服即甦

虛

栢子仁散

治產後狂言亂語皆因內虛敗血挾邪

氣攻心

栢子仁

遠志 去心

人參

桑寄生

防風

琥珀 別研

當歸 焙

生地黄 焙

甘草 各等分

右為粗末先用白羊心壹箇切片以水壹大盞半先煮至致分去羊心入藥末伍錢煎至陸分去滓無時服

與前顛狂譫語門參看

驚悸

天產後臟虛心神驚悸者由體虛心氣不足心之經為風邪所乘也或恐懼憂迫令心氣受於風邪邪搏於心則驚不自安若驚不已則悸動不定其狀目睛不轉而不能動診其脈動而弱者驚悸也動則為驚弱則為悸矣 薛按人之所主者心心之所主者血心血一虛神氣不守此驚悸所由作也當補氣血為主一產婦患前證二度服琥珀地黄丸局方妙香散隨効再患服之其症益甚而脈浮大按之如無發熱惡寒此血氣俱虛用十全大補加味歸脾二湯各

產後驚悸

女科

八十九

百餘劑而愈後遇驚恐勞怒復作仍服前藥而安
 天產後心悶氣絕眼張口噤遍身強直腰背反偃狀
 如癰疾心忪驚悸言語錯亂皆是宿有風毒因產心
 氣虛弱發成風痙薛按仲景先生云有汗為柔痙
 用桂枝湯無汗為剛痙用麻黃湯然產後得此血氣
 俱乏之敗證也不可與傷寒例看丹溪先生云產後
 當大補氣血為主可用十全大補湯以補元氣如不
 應急加附子更不應是藥力弗逮也仍用參附湯多
 服余常治太虛之證參芪數斤附子數枚方愈
 產婦患此不省人事言語妄甚惡風寒喜熱飲形氣

倦怠脉虛浮無力余謂血氣虛寒用十全大補湯二
 十餘劑不應又二十餘劑稍緩乃漸加附子至一錢
 服數劑諸證減一二又二十餘劑十退三四乃去附
 子五分數劑諸證頓退而安又發仍服前藥加附子
 三五分而愈

白茯苓散 治產後心神驚悸言語失常心神昏憤

白茯苓 去皮 熟地黄 人參 去蘆各壹兩半

遠志 去心 白芍藥 黃芪 去蘆

桂心 當歸 炒去蘆 甘草 炙

麥門冬 各壹兩去心 石菖蒲 桑寄生 各柒錢半

產後驚悸 九

右為改咀每服捌錢水壹大盞半生薑伍片棗叁枚竹葉參柒片煎至壹大盞去滓溫服無時熟乾地黄散 治產後心虛驚悸神思不安

熟乾地黄 貳兩 黃芪 去蘆 白薇

龍齒 另研 各壹兩 人參 去蘆 茯神 去木

羌活 遠志肉 各柒錢半 桂心

防風 去蘆 甘草 各半兩

右為改咀每服五錢水壹大盞半生薑五片棗叁枚煎至壹大盞去滓溫服不拘時方無黃耆有荆芥產乳七寶散 初產後服之調和血氣補虛安心神

鎮驚悸

朱砂 水飛

川芎 人參 去蘆

羚羊角 燒存性 乾薑 壹錢

桂心

當歸 去蘆 白茯苓 去皮

為細末每服壹錢用羌活豆淋酒調下將護產婦用之不飲酒用清米飲調下如覺心煩熱悶以麥門冬去心煎湯調下若心下煩悶而痛用童便調下若覺心胸煩熱即減薑桂覺寒却加之腹痛加當歸心悶加羚羊角心虛氣怯加桂心不思飲食或惡心加人參虛煩加茯苓以意斟酌日二夜一服之

海藏大効牡丹散 治血虛風及頭目不利不思飲食手足煩熱肢節拘急疼痛胸膈不利太腸不調陰陽相干心驚怯悸或時旋暈

牡丹皮

枳殼 各壹兩

陳皮

甘草

羌活

木香

訶子肉

三稜 炒

乾薑 炮

當歸 壹

白朮 炒叁錢

白朮

右為細末每服貳錢水壹盞半煎五七沸食前

服益血海退血風勞攻注消寒痰實脾胃理血氣
攻刺及氣虛惡寒潮熱證至妙
遠志丸 治產後臟虛不足心神驚悸志意不安腹
中急痛或時怕怖夜卧不安

遠志

麥門冬 各去心

黃芪

當歸 炒

人參

白朮

獨活 各去蘆

白茯苓 去皮

桂心

栝子仁

石菖蒲

熟乾地黄

山茱萸

鍾乳粉

阿膠 碎炒 各壹兩

右為細末煉蜜和搗五七百下丸如梧桐子大每

服參拾丸温酒送下不拘時候日進二服

白茯苓丸 治產後心虛驚悸神志不安

白茯苓 去皮 熟乾地黄 各壹兩 人參 去蘆

桂心 遠志 去心 石菖蒲

栝子仁 琥珀 各半兩 另研細

右為細末煉蜜和搗三百下丸如梧子大每服

參拾丸不拘時粥飲送下

右方俱用桂中無熱而脉遲且微者宜之

人參散 治產後臟腑虛心怔驚悸言語錯亂

人參 去蘆 麥門冬 去心 各 牛黃 研

白薇 各貳錢

茯神 去木

獨活

防風 各去蘆

遠志 去心

生地黄

朱砂 水飛

天竺黃 另研

甘草 炙

龍齒 研各 肆錢

龍腦 另研

麝香 細研 各壹錢

右為細末每服貳錢薄荷酒調下不拘時

琥珀地黃散 治血虛多驚及產後敗血諸疾

辰砂 琥珀

沒藥 並細研

當歸 各等分

右為細末每服貳錢空心白湯調下日三服

茯苓散 療產後狂語志意不定精神昏亂心氣虛

風邪所致

茯苓 一方用 茯神

生地黄 各參兩

遠志

白薇

龍齒 各貳兩 伍錢

防風

人參

獨活 各貳兩 以上共為末

右以銀壹大斤水壹斗五升者取柒升下諸藥煮

取叁升溫分三服忌菘菜豬肉生冷一方治產後風邪所下

神恍忽志意不定加荆芥 貳兩甘草壹兩貳錢半

療產後多虛羸弱若大汗利皆至於死此重虛故也

若中風語謬昏悶不知人者宜服此

人參

茯苓

羌活

大棗

遠志 各貳兩

竹瀝 壹升

右用水陸升煮取叁升下竹瀝更煎取貳升半分

三服

抱膽丸 治產後血虛驚氣入心及顛瀾風狂或室

女經脉通行驚邪蘊結

水銀 貳兩

黑鉛 壹兩半

朱砂 壹兩另 細研

乳香 壹兩另 細研

右將黑鉛入銚子內鎔化下水銀結成砂子次下朱砂滴乳末乘熟用柳木搥研勻丸如芡實大每服壹丸空心金銀薄荷湯化下得睡切莫驚動

來即安

妙香散亦善

此散治婦人血氣虛弱，心驚悸，頭暈目眩，四肢無力，或產後失血過多，或經期不調，或赤白帶下，或子宮虛冷，或久不受孕，或產後惡露不盡，或產後腹痛，或產後發熱，或產後咳嗽，或產後嘔吐，或產後泄瀉，或產後便秘，或產後小便不利，或產後自汗盜汗，或產後失眠，或產後多夢，或產後健忘，或產後食慾不振，或產後體弱多病，或產後一切虛弱之症，服之立見奇效。

良香 兩兩

木香 兩兩

大茴香 兩兩

小茴香 兩兩

丁香 兩兩

白胡椒 兩兩

大藥 兩兩

恍惚

大產後中風恍惚者由心主血血氣通於榮衛臟腑
通循經絡產則血氣俱傷五臟皆虛榮衛不足即為
風邪所乘則令心神恍惚不定也 醉前證當大補
血氣為主而佐以後方為善蓋風為虛極之假象也
固其本源諸病自退若專治風則速其危矣 一產
婦患前證盜汗自汗發熱晡熱面色黃白四肢畏冷
此氣血俱虛用八珍湯不應更用十全大補加味歸
脾二湯始應後因勞怒發厥昏憤左目牽緊兩唇抽
動小便自遺余謂肝火熾盛用十全大補加釣藤山

產後恍惚

女科五

九十五

梔而安再用十全大補湯辰砂遠志丸而愈
千金療產後暴苦心悸不定言語錯亂恍惚皆因心
虛所致

茯苓 參兩

芍藥 貳兩

甘草

桂心

當歸 各壹兩

生薑 壹兩半

麥門冬 去心壹升

大棗 參拾枚

右為散水參升煎取壹升去滓分作兩服

經効療產後心虛忪悸志意不定煩躁恍惚

茯神

當歸

黃芩

麥門冬 去心壹升

甘草

人參

芍藥

酸棗仁

白鮮皮 各參兩

大棗 柒枚

右為粗末水貳升煮取柒合去滓温服

琥珀散 治產後中風恍惚語澁心神煩悶四肢不

隨

琥珀 另研

茯神 去木壹兩

遠志 去心壹兩

石菖蒲

黃芪

防風

獨活

人參 各去蘆

麥門冬 去心壹升

芎藭

桑寄生

赤芍藥

羚羊角屑 各半兩

甘草 貳錢半炙

產後

女科五

右為咬咀每服五錢水壹中盞半煎至壹大盞去滓温服不拘時

遠志散 治產後中風心神恍惚言語錯亂煩悶睡卧不安

遠志 去心

防風 去蘆各壹兩

麥門冬 去心

酸棗仁 炒

桑寄生

獨活 去蘆

桂心

當歸 去蘆炒

茯神 去木

羚羊角屑 各半 錢半 甘草 炙半兩

右為咬咀每服伍錢煎服法同前

天麻丸 療產後中風恍惚語澁四肢不隨

天麻

硃砂 水飛

防風 去蘆

羌活 去蘆各壹兩

僵蠶 炒半

乾蝎 炒

白附子 炮

五靈脂 炒各半兩

雄雀糞 炒

牛黃 另研各貳錢半

右為細末糯米飯為丸如梧子大每服貳叁拾丸

薄荷酒送下日進一服

辰砂遠志丸 主產後中風消風化痰安神鎮心

石菖蒲

遠志肉 甘草煎

人參

茯神 去木

辰砂 各伍錢

川芎

山藥

鐵粉

麥門冬 去心

細辛

天麻

半夏湯泡

南星

白附子各壹兩

右為末薑汁煮糊丸如菉豆大別以朱砂為衣每服參拾九夜卧生薑湯吞下

虛煩

論見發執條 四物湯加茯神遠志治產後虛煩

十全大補湯尤効

大餘血奔心蓋是分解了不便與童子小便并拚心下及卧太速兼食不相宜之物所致但能依方療之無不痊可

療產後餘血不盡奔衝心煩悶腹痛

川芎

生乾地黄

枳殼

芍藥各等分

右酒服方寸匕日一服

集驗療產後血氣煩方千金同

產後

女科

卷

生地黄汁

清酒 各壹升

右相和煎壹沸分為兩服

廣濟療血氣煩悶方

生藕汁飲貳升効竹瀝亦得

療產後七日内宿血不散時時衝心迷悶

荷葉

壹兩半

延胡索

貳兩

地黄汁

貳合

右水貳升煮一味取糊合下延胡索分三服空心

忌肉食一日

療產後餘血攻心或下血不止心悶面青冷氣欲絕

羊血壹盞頓服若不定更服立効

經効療產後氣虛冷搏於血血氣結滯上衝心腹脹

滿

當歸

桂心

川芎

吳茱萸

橘皮

生薑

各壹兩芍藥

貳兩

右吹咀以水參升煮取壹升去滓空心服

治產後餘血奔心

用陳白梅槌碎渴煎湯飲

金黃散 治產後惡血衝心時發煩躁

玄胡索

蒲黃

各半桂心

右為細末烏梅煎湯冷調下貳錢

沒藥丸 治產後心胸煩躁惡血不快

產後

女科

卷

沒藥研

蠻薑

延胡索

乾漆炒

當歸

桂心

牛膝

牡丹皮

乾薑各等分

右為細末醋煮麵糊丸如梧桐子大煎麩湯下拾丸至拾伍丸

補遺治產後餘血衝心煩悶腹痛用蒲黃不以紙炒每壹錢東流水煎湯調下又失笑散亦佳

氣治產後短氣欲絕心中煩悶竹葉湯

竹葉切細

麥門冬

小麥各壹升

甘州壹兩

生薑貳兩

大棗拾貳枚

右切以水壹斗煮竹葉小麥至捌升去滓納餘藥煮取叁升去滓温服虚悸加人參貳兩少氣力加糯米伍合

甘竹茹湯

治產後内虚煩熱短氣方

甘竹茹壹升

人參

茯苓

甘草各壹兩

黄芩叁兩

右咬咀以水陸升煮取貳升去滓分三服日三
人參當歸湯 治產後去血過多血虚則陰虛陰虛生内熱令人心煩短氣自汗頭痛

熟地黄

人參去蘆

當歸身去蘆

產後 肉桂 去粗皮 麥門冬 去心 各 白芍藥 錢半

血熱甚者加生地黃貳錢 水貳鍾粳米壹合竹葉拾片煎至壹鍾食遠服

氣 薤白湯 治產後胸中煩熱逆氣方

薤白 半夏 甘草 人參 各壹兩 栝蒌根 貳兩 麥門冬 半升

右以水壹斗參升煮取肆升去滓分伍服 三夜二熱甚加知母壹兩

不得 云岐治產後虛煩不得眠芍藥梔鼓湯 芍藥 當歸 梔子 各伍 香豉 半合

中風 四肢 煩熱

右如梔子豉湯修服產後傷寒便同下後變證

仲景二物黃芩湯 婦人在草褥自發露得風四肢

苦煩執頭痛者與小柴胡湯頭不痛但煩者此湯 主之 小柴胡湯見 傷寒少陽病

黃芩 壹兩 苦參 貳兩 乾地黃 肆兩

右三味以水捌升煮取貳升溫服壹升多吐下虫 婦人產中虛煩亂嘔逆安中益氣竹皮大丸主之

三生竹茹 石膏 各貳分 桂枝 白薇 各壹分 甘草 柒分

產後 虛煩

本草綱目 卷之五 女科 五

右五味末之，棗肉和丸，彈子大，每以飲服壹丸，日

三夜，二服有熱者，倍白薇，煩喘者，加栝實壹分。

陳尋常治諸虛煩熱者，以竹葉石膏湯溫膽湯，殊不

知產後與尋常不同，如石膏等藥，不宜輕用，用之必

死。

經驗方 治產後煩躁，禹餘糧壹枚，狀如酸筋者，入

地埋，一半四面築緊，用炭壹秤，發頂火壹斤，煨去

火，三分耗，二為度，用濕沙土罨一宿，方取出，打去

外面一層，只用裏內細研，水淘澄，五七度，將紙襯

乾，再研數千遍，用甘草煎湯調貳錢匕，一服，立効。

